

RHESTR CYMWYSTERAU BLAENORIAETHOL

Mae hon yn rhestr o'r cymwysterau rydym wedi cyhoeddi meini prawf cymeradwyo ar eu cyfer, neu yr ystyrir eu cymeradwyo.



GORFFENNAF 2019



CYMWSTRERAU CYMRU

RHESTR CYMWSTRERAU BLAENORIAETHOL A RHAGOLWG

Mae'r ddogfen hon yn cynnwys y Rhestr Cymwysterau Blaenoriaethol, a gaiff ei pharatoi ar y cyd rhwng Cymwysterau Cymru a Llywodraeth Cymru. Mae hefyd yn cynnwys Rhagolwg Cymwysterau Cymru.

Caiff y Rhestr Cymwysterau Blaenoriaethol ei hadolygu'n rheolaidd a chaiff ei diweddarau yn ôl yr angen i gynnwys cymwysterau sydd â meini prawf cymeradwyo newydd/au neu gymwysterau sydd wedi'u cyfyngu (neu yr ystyrir eu cyfyngu) ac i adlewyrchu diwedd unrhyw gyfnodau cymeradwyo blaenoriaethol. Caiff y cymwysterau hynny y mae eu cyfnod cymeradwyo blaenoriaethol wedi dod i ben eu symud i adran cymwysterau anghyfyngedig gyda chyfnodau cymeradwyo blaenoriaethol sydd wedi dod i ben y ddogfen hon.

Caiff y Rhagolwg ei adolygu'n rheolaidd gan Cymwysterau Cymru hefyd er mwyn sicrhau ei fod yn parhau i roi gwybod i gyrff dyfarnu am flaenoriaethau posibl yn y dyfodol. Mae'r Rhagolwg wedi cael ei gyhoeddi o dan y Rhestr Cymwysterau Blaenoriaethol ond nid yw'n rhan ohoni.

RHESTR CYMWSTRERAU BLAENORIAETHOL

Mae Cymwysterau Cymru a Gweinidogion Cymru wedi llunio'r Rhestr Cymwysterau Blaenoriaethol wrth arfer eu pwerau o dan adran 13 o Ddeddf Cymwysterau Cymru 2015 (dyletswydd i lunio rhestr o gymwysterau blaenoriaethol).

Gall Cymwysterau Cymru gymeradwyo cymwysterau a luniwyd i ddiwallu anghenion dysgwyr yng Nghymru. Mae'r Rhestr Cymwysterau Blaenoriaethol yn rhestru'r cymwysterau y mae Cymwysterau Cymru wedi cyhoeddi meini prawf cymeradwyo ar eu cyfer, neu gymwysterau y mae'n ystyried cyfyngu arnynt ac y mae'n rhaid iddo, o dan adran 18 o Ddeddf Cymwysterau Cymru 2015, ystyried unrhyw geisiadau am gymeradwyaeth ar eu cyfer gan gyrff dyfarnu cydnabyddedig priodol. Ni chaiff cymwysterau ar y rhestr hon eu cymeradwyo oni fyddant yn bodloni'r meini prawf cymeradwyo cyhoeddedig. Nid yw statws cymeradwy yn arwydd o bwysigrwydd cymharol unrhyw gymhwyster.



Bydd Cymwysterau Cymru yn ystyried cymeradwyo cymwysterau nad ydynt ar y Rhestr Cymwysterau Blaenoriaethol os bydd meini prawf cymeradwyo cyhoeddedig ar eu cyfer. Fodd bynnag, rhoddir blaenoriaeth uwch i gymeradwyo cymwysterau sydd ar y Rhestr Cymwysterau Blaenoriaethol.

Gall Cymwysterau Cymru ddynodi cymwysterau hefyd. Darperir cymwysterau cymeradwy a chymwysterau dynodedig gan gyrff dyfarnu cydnabyddedig ac maent yn gymwys i'w defnyddio ar raglenni hyfforddiant ac addysg a ariennir gan arian cyhoeddus ar gyfer dysgwyr dan 19 oed. Nid oes rhaid i gymwysterau dynodedig fod yn unigryw i Gymru o reidrwydd, ac maent fel arfer ar gael i ddysgwyr mewn gwledydd eraill yn y DU. Bydd Cymwysterau Cymru yn gweithio gyda chyrff cydnabyddedig mewn perthynas â cheisiadau i ddynodi cymwysterau nad ydynt ar y Rhestr Cymwysterau Blaenoriaethol.

Mae Cymwysterau Cymru wedi cyhoeddi'r [polisi Rhestr Cymwysterau Blaenoriaethol](#), sy'n rhoi rhagor o fanylion am y ffordd y caiff y Rhestr Cymwysterau Blaenoriaethol ei rheoli.

Cymwysterau blaenoriaethol cyfyngedig

Gall Cymwysterau Cymru gyfyngu ar nifer y ffurfiau ar gymhwyster a all gael eu cymeradwyo ar unrhyw adeg benodol. Mae'r adran hon yn cynnwys dwy ran. Mae Rhan 1 yn ymwneud â'r cymwysterau hynny y mae Cymwysterau Cymru yn bwriadu cyfyngu arnynt. Caiff sylwadau mewn ymateb i'r hysbysiad i gyfyngu eu hystyried cyn y caiff unrhyw benderfyniad i gyfyngu ei gyhoeddi. Caiff penderfyniadau i gyfyngu eu dangos yn Rhan 2.

Rhan 1 - Bwriad i gyfyngu

Nid oes unrhyw fwriadau i gyfyngu nad ydynt eto wedi'u pennu

Rhan 2 - Penderfyniadau i gyfyngu

Mae Cymwysterau Cymru wedi cyfyngu ar y disgrifiadau canlynol o gymwysterau i **un ffurf yr un**:

Gwasanaethau Adeiladu ac Adeiladu

Cymhwyster sylfaen mewn Gwasanaethau Adeiladu



Cymhwyster sylfaen mewn Adeiladu

Cymhwyster dilyniant mewn Gwasanaethau Adeiladu

Cymhwyster dilyniant mewn Adeiladu

Cymhwyster prentisiaeth mewn Gwasanaethau Adeiladu

Cymhwyster prentisiaeth mewn Adeiladu

Iechyd a Gofal Cymdeithasol, a Gofal Plant

TGAU Iechyd a Gofal Cymdeithasol, a Gofal Plant (dyfarniad sengl)

TGAU Iechyd a Gofal Cymdeithasol, a Gofal Plant (dyfarniad dwbl)¹

Lefel 2 Iechyd a Gofal Cymdeithasol: Craidd

Lefel 2 Gofal, Chwarae, Dysgu a Datblygiad Plant: Craidd

Lefel 2 Iechyd a Gofal Cymdeithasol: Egwyddorion a Chyd-destunau

Lefel 2 Iechyd a Gofal Cymdeithasol: Ymarfer (Oedolion)

Lefel 2 Gofal, Chwarae, Dysgu a Datblygiad Plant: Ymarfer a Theori

Lefel 2 Gofal, Chwarae, Dysgu a Datblygiad Plant: Ymarfer

TAG Safon Uwch ac UG mewn Iechyd a Gofal Cymdeithasol a Gofal Plant.²

Diploma Lefel 3 Iechyd a Gofal Cymdeithasol: Egwyddorion a Chyd-destunau

Lefel 3 Gofal, Chwarae, Dysgu a Datblygiad Plant: Ymarfer a Theori

Lefel 3 Iechyd a Gofal Cymdeithasol: Ymarfer (Oedolion)

Lefel 3 Iechyd a Gofal Cymdeithasol: Ymarfer (Plant a Phobl Ifanc)

Lefel 3 Gofal, Chwarae, Dysgu a Datblygiad Plant: Ymarfer

¹ Nodwyd y cymhwysterau TGAU dyfarniad sengl a dwbl fel Lefel 1/2 yn flaenorol: Cyflwyniad i Iechyd, Gofal Cymdeithasol a Gofal Plant - Egwyddorion a Chyd-destunau

² Mae'r cymhwysterau Safon Uwch, Diploma Lefel 3 mewn Iechyd a Gofal Cymdeithasol a Lefel 3 Gofal, Chwarae, Dysgu a Datblygiad Plant: Ymarfer a Theori yn disodli'r ddau gymhwyster gwybodaeth Lefel 3 a nodwyd yn y Rhestr flaenorol fel "Egwyddorion, Damcaniaethau a Chyd-destunau"



Lefel 4 Paratoi ar gyfer Arwain a Rheoli ym maes Iechyd a Gofal Cymdeithasol

Lefel 4 Paratoi ar gyfer Arwain a Rheoli Gofal, Chwarae, Dysgu a Datblygiad Plant

Lefel 5 Arwain a Rheoli Iechyd a Gofal Cymdeithasol: Ymarfer

Lefel 5 Arwain a Rheoli Gofal, Chwarae, Dysgu a Datblygiad Plant: Ymarfer

Lefel 4 Iechyd a Gofal Cymdeithasol gydag arbenigedd

Lefel 4 Gofal, Chwarae, Dysgu a Datblygiad Plant gydag arbenigedd

Cymwysterau anghyfngedig gyda chyfnodau cymeradwyo blaenoriaethol sydd wedi dod i ben

Mae'r cyfnodau cymeradwyo blaenoriaethol ar gyfer y cymwysterau canlynol wedi dod i ben. Mae gan y cymwysterau hyn feini prawf cymeradwyo o hyd a gallant gael eu hystyried i'w cymeradwyo.

TGAU

Daearyddiaeth
Ffrangeg
Almaeneg
Sbaeneg
Cerddoriaeth
Cyfres wyddoniaeth
Drama
Addysg Gorfforol
Hanes
Bwyd a Maeth
Astudiaethau Crefyddol
Celf a Dylunio
Busnes
Cyfrifiadureg
Dylunio a Thechnoleg
Astudiaethau'r Cyfryngau
Cymraeg (ail iaith)

UG a Safon Uwch

Cymraeg (ail iaith)
Drama
Cerddoriaeth
Addysg Gorfforol
Daearyddiaeth
Ffrangeg
Almaeneg
Sbaeneg
Astudiaethau Crefyddol
Dylunio a Thechnoleg
Mathemateg Bellach
Llywodraeth a Gwleidyddiaeth
Y Gyfraith
Mathemateg
Astudiaethau'r Cyfryngau



Cytunwyd ar y cymwysterau a restrir ar y Rhestr Cymwysterau Blaenoriaethol ar y cyd rhwng Ysgrifennydd y Cabinet dros Addysg a Cymwysterau Cymru ac fe'u cyhoeddwyd ar **5 Gorffennaf 2018**.

RHAGOLWG

Mae'r Rhagolwg yn disgrifio'r cymwysterau y mae Cymwysterau Cymru yn ystyried eu cynnwys ar y Rhestr Cymwysterau Blaenoriaethol yn y dyfodol. Mae'r Rhagolwg yn galluogi Cymwysterau Cymru i hysbysu cyrff dyfarnu o flaenoriaethau ar gyfer y dyfodol ac i ddatblygu meini prawf cymeradwyo priodol.

Nid yw'r ffaith bod cymwysterau neu ddisgrifiadau o gymwysterau wedi'u cynnwys ar y Rhagolwg o reidrwydd yn golygu y cânt eu cynnwys ar y Rhestr Cymwysterau Blaenoriaethol yn y dyfodol. Yn yr un modd, gallai cymhwyster neu ddisgrifiad o gymhwyster gael ei gynnwys mewn Rhestr Cymwysterau Blaenoriaethol yn y dyfodol heb ymddangos yn y Rhagolwg yn gyntaf.

Mae'r gwaith o reoleiddio cymwysterau galwedigaethol yn elfen bwysig o waith Cymwysterau Cymru. Er mwyn gwneud y gwaith o reoleiddio cymwysterau galwedigaethol yn fwy hwylus ac effeithiol, rydym yn mabwysiadu dull o weithredu fesul sector wrth adolygu cymwysterau. Y sectorau nesaf ar gyfer y rhaglen o adolygiadau yw Technoleg Gwybodaeth a Chyfathrebu (disgwyllir iddo gael ei gyhoeddi ar ddiwedd 2018) a Pheirianeg, Gweithgynhyrchu Uwch ac Ynni (yn dechrau yn ystod Hydref 2018). Gallai'r adolygiadau hyn arwain at gynnwys cymwysterau Technoleg Gwybodaeth a Chyfathrebu (neu bynciau cysylltiedig) a/neu Beirianeg, Gweithgynhyrchu Uwch ac Ynni ar y Rhestr Cymwysterau Blaenoriaethol yn y dyfodol.

Nid yw'r rhestr hon yn gynhwysfawr ac mae'n bosibl y caiff pynciau eraill eu hychwanegu.

Rydym yn ystyried rhestru'r canlynol unwaith y caiff y meini prawf cymeradwyo eu datblygu:

Un cymhwyster TGAU neu fwy yn yr Amgylchedd Adeiledig

Un cymhwyster TAG Safon Uwch neu fwy yn yr Amgylchedd Adeiledig

